


Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

CHAPTER 11 ABRAHAM'S FAMILY IN THE DISPENSATION FOR RESTAURATION

SURA YA 11 FAMILIA YA ABRAHAM KATIKA MPANGO WA MUNGU LA UKOMBOZI

Matokeo ya kukosa imani kwa Ham, mpango wa Mungu la ukombozi haukutimizwa katika familia ya Nuhu. Hata hivyo, Mungu amejidhatiti kuyakinisha kusudio lake kutimiza Dhumuni la Uumbaji. Kwenye msingi wa uaminifu na moyo wa dhati wa Nuhu, Mungu alimwita Abraham kuendeleza toleo lake. Hivyo, Abraham ilimbidi ajenge msingi kwa ajili ya Masihi, ambao familia ya Nuhu ilishindwa.



I. MSINGI WA IMANI .

A : Mtu kiongozi kwa ajili ya kukomboa msingi wa imani.

Katika toleo la ukombozi ulioegemea familia ya Abraham mtu kiongozi kwa ajili ya kukomboa msingi wa imani alikuwa Abraham. Baada ya kipindi cha miaka mia nne na vizazi kumi kutoka wakati wa Nuhu, Mungu alimchagua Abraham kuchukua nafasi ya Nuhu. Abraham alikuwa mwana wa Terah, mwabudu sanamu, na hivyo alipendwa na shetani. Mungu alimchukua Abraham kama malipizi ya kumkomboa Ham aliyechukuliwa na shetani, mwana wa pili, ambaye amekuwa katika nafasi ya kupendwa na Mungu. Kwa kuwa Abraham alichukuwa nafasi ya Nuhu, na hivyo nafasi ya Adam, Mungu pia alimbariki Abraham, na kusema kuwa Abraham 'atabarikiwa' na kuwa atafanya uzao wa Abraham kuwa taifa kubwa (Mwa 12 :2). 'na alimtoa nje na kusema 'tazama kuelekea mbinguni na hesabu nyota, kama unaweza kuzihesabu'Mimi ni Bwana ambaye alikuleta kutoka nchi ya wakaldayo, ili nikupe ardhi ya kumiliki' (Mwa 15 :5-7). Hii ilikuwa ahadi ya Mungu ya kumbariki Abraham.


B : Sadaka iliyohitajika kukomboa msingi wa imani.

1. Sadaka ya ishara

Wakati huo Abraham aliuliza ni masharti gani ambayo yangemfanya apate baraka ya Mungu '....Ee Bwana nitajuaje kuwa nitakuwa nayo?' (Mwa 15:8). Hizi aina tatu za matoleo ni sadaka zilizohitajika kukomboa msingi wa imani. Zilionyesha (ishara) aina zote vitu katika mbingu, ambavyo hujikamilisha vyenyewe kupitia hatua tatu za kukua. Kwa maneno mengine, Mungu alimtaka Abraham atoe sadaka ya ng'ombe (mtamba), kondoo na mbuzi jike, njiwa na ndege mwana kama ishara za

mbinguni kote, ambazo zilipotezwa kwa sababu ya anguko. Hivyo, sadaka hii inaitwa ‘sadaka ya ishara’. Kwa kuongezea, sadaka hizi tatu (altareni) madhabahuni zilidhamiriwa kuwakilisha na kukomboa kimlalo masharti yalioingiliwa ya vizazi vitatu vya taleo wima – lile la Adam, Nuhu na Abraham.

Je, Abraham alifanyaje ishara hii muhimu ya sadaka? Tunasoma katika Mwanzo. 15:10-13 Abraham alikata sadaka katika vipande viwili na kulaza nusu moja dhidi ya nyingine, isipokuwa ndege, ambao hakuwakata vipande viwili. Ndege wawindaji (kunguru) walishuka kwenye mizoga, na Abraham aliwafukuza. Jioni ile jua linapozama Mungu alimtokea Abraham na kusema’tambua kwa hakika wazawa wako watakuwa watumwa katika nchi ambayo si yao, na watakuwa watumwa huko, na





watakandamizwa kwa miaka mia nne.....’ (Mwa. 15:13). Ndege wawindaji (kunguru) walishuka juu ya mizoga sababu Abraham hakuwakata katika vipande viwili. Hili lilisababisha kwa waisraeli

kuteseka kwa miaka mia nne. Hebu tuchunguze maana ya ndege wawindaji wakitua juu ya sadaka.


Tangu anguko la mwanaume na mwanamke wa kwanza, kila mara Mungu afanyapo kusudio lake, shetani husogea kuziba njia ya Mungu. Wakati Kaini na Abeli wakitoa sadaka, shetani alikuwa ‘akibisha mlangoni’ (Mwa. 4:7) wakati wa Nuhu ndege mwarabu aliashiria shetani, ambaye alikuwa anatafuta wasaa wa kuingilia familia ya Nuhu mara tu baada ya hukumu ya mafuriko, (Mwa. 8:7). Vilevile wakati wa sadaka ya ishara ya Abraham, ukweli kwamba shetani alishambulia sadaka (matokeo yake masharti yaliyofanywa) kwa ishara inanukuliwa katika Biblia kwa ndege wawindaji wakishuka kwenye sadaka. Halafu ipi ilikuwa dhambi ya Abraham? Ilikuwa ni kushindwa kwake kugawanya ndege mwana na njiwa. Kwa nini sadaka zilikuwa zigawanywe ? Kama matokeo ya anguko, mtu na dunia yake walitokea kumiilishwa (ghubikwa) na vyote, wema na uovu. Dhumuni la toleo la wokovu ni kukamilisha dhumuni la uumbaji. Mungu amefanya kazi kukamilisha dhumuni la uumbaji kwa kutenganisha wema na uovu ndani ya wote binadamu na dunia yake na baadae kuharibu uovu na kupanua wema. Ili Mungu aweze kuhusiana na kitu lazima kwanza kitenganishwe kiishara kutoka kwa shetani. Hivyo, sadaka zilipaswa kugawanywa.


Ilikuwa baada ya mtu mmoja Adam kugawanyika sehemu mbili katika hali ya wanae, Kaini na Abeli, kwamba sadaka ya kafara iliweza ku
Dunia ya anguko
Dunia ya
Dunia ya





na baadae kuharibu uovu kwa njia ya mafuriko ilikuwa ni kukomboa utawala (himaya) ya wema. Mungu alitazamia toka kwa Abraham kulipa malipizi juu ya kushindwa kwa Adam na Nuhu kwa kutenganisha kiishara wema na uovu kwa kumtaka Abraham akate sadaka katika mafungu mawili.





Umuhimu zaidi wa kutenganisha sadaka ulikuwa kwamba ungeanzisha sharti ambalo lingepelekea utenganishi kiishara wa dunia njema kiutawala na ile ambayo ipo chini ya utawala wa shetani. Pia kutenganisha sadaka na kutiririsha damu hujenga utakaso kwa kuondoa kiishara 'damu ya kifo', ambayo ilirithiwa kwa njia ya uhusiano wa damu na Shetani.

Umuhimu halisi wa kutenganisha wa mnyama katika vipande viwili

- 1. Mgawanyiko wa Kaini na Abeli**
- 2. Kutenganisha wema na uovu kwa njia ya Garika**
- 3. Kutenganisha Utawala wa Mungu na huyu wa Shetani**
- 4. Kuapishwa kwa kuondoa « damu za ushetani »**

Kwa kutokata sadaka katika pande mbili ilikuwa ni sawa na kutotenga Kaini na Abeli, bila kumuacha mtendewa ambaye angekuwa katika


nafasi ya Abeli ili kuwasiliana na Mungu. Pili, kiliwakilisha (kushindwa) kutotenga wema na uovu baada ya hukumu ya gharika wakati wa Nuhu, matokeo yake yalikuwa kutokuwepo mtendewa wa wema ambaye kupitia kwake Mungu angeweza kuendeleza toleo lake. La tatu, kunawakilisha (kushindwa) kutimiza matakwa ya Mungu ya kuzitenga (kiishara)dunia ya utawala wema toka dunia iliyomilikiwa na shetani. Kushindwa kutenga dunia ambamo Mungu anaweza kuwa na mamlaka. Mwishoe, kwa kuwa kutogawanywa kwa sadaka kulimaanisha kutoondoa 'damu ya kifo', kuwa sadaka hazikutakaswa na kwa hiyo kwamba Mungu hakuweza kujihusisha na sadaka. Matokeo yake, ingawa kwa nje Abraham alitoa sadaka kwa Mungu, katika mtazamo wa maana ya toleo haikuwa sadaka iliyogawanywa na kwa hiyo haikuwa sadaka inayokubalika kwa Mungu. Kwa sababu Abraham alitoa vitu ambavyo havikugawanywa, sadaka yake ilikuwa ni sawa na kutoa sadaka kwa shetani, na hivyo ikawa dhambi.

Nini yalikuwa matokeo ya makosa yake katika sadaka – ishara? Baada ya Abraham kushindwa katika sadaka, Mungu alimwambia, 'tambua kwa uhakika kwamba wazao wako watakuwa wahamiaji katika nchi ambayo si yao', na watakuwa watumwa huko na watanyanyaswa kwa miaka mia nne.....(Mwa. 15:13). Hii ilikuwa adhabu kali, kama hii ilikuwa adhabu ya makosa ya Abraham, kwa nini iliwaangukia wazawa wake na siyo Abraham mwenyewe? Na kwa nini ilikuwa kwa miaka mia nne?

Kwa kuwa Abraham alishindwa katika sadaka ya ishara, kipindi cha miaka mia nne ya malipizi ambayo yalikuwa ya lazima kumpata Abraham kama mtu kiongozi yaliingiliwa na shetani. Kwa hiyo, katika mtazamo wa Mungu, akifanya ili kurejesha miaka mia nne iliyopotea ingehitaji kipindi cha miaka mingine mia nne ya kujitenga kutoka kwa shetani. Miaka hii isingetimizwa katika kizazi cha Abraham peke yake.

Kwa sababu hiyo wazawa wake iliwabidi kukomboa kipindi kilichopotezwa cha malipizi. Hili lilifanyika katika kipindi cha kunyanyaswa Waisrael miaka mia nne nchini Misri. Hivyo, kipindi cha mateso kilikuwa ni kipindi cha namna mbili, kipindi cha adhabu kwa kosa la Abraham katika kutoa sadaka na kipindi cha kuweka msingi wa kutenganisha kutoka kwa shetani kwa ajili ya mpango mpiya.

Kama Abraham angetoa aina tatu za sadaka iliyohitajika kulingana na matakwa ya Mungu, kwa maneno mengine, kama sadaka – ishara zingekubaliwa hapo msingi wa imani ungekuwa umekombolewa. Na hapo kazi ya kuanzisha msingi wa matendo ungefanyika katika familia ya Abraham kwa kugemea kwa wanae. Hii ingehusisha sharti la malipizi la kuondoa hulka anguko kati ya Isaka, mwanae wa pili, na Ishmaili, mwanae wa kwanza. Hakuna lisemwalo juu ya hili katika Biblia sababu Abraham alishindwa katika sadaka yake, ambayo ingekomboa msingi wa imani.




2. Sadaka ya Abraham ya kumtoa Isaka .

Baada ya kushindwa Abraham katika sadaka - ishara, Mungu alimwamuru kumtoa Isaka kama sadaka ya kuteketeza (Mwa. 22:2) na hivyo kuanza toleo jipya. Mwanzo 22:9-10, anasema 'walipofika mahala ambapo Mungu alimwambia, Abraham alijenga madhabahu pale na akalaza kuni kama alivyoagizwa na akamfunga mikono Isaka mwanaye, na akamlza juu ya madhabahu katika kuni. Ndipo Abraham akanyoosha mkono wake, na kutwaa kisu ili amchinje mwanaye. Akiwa na imani ya dhati, Abraham alijitosa katika sadaka ya kumteketeza mwanaye, Isaka ambaye alimpokea kama baraka. Wakati huu, 'Malaika wa Bwana' alimwamrisha, usiweke mkono wako kwa kijana au kufanya lolote kwake, kwa kuwa sasa ninajua kuwa unamwogopa Mungu, kwa kuona kuwa hukumng'ang'ania mwanao wa pekee, kutoka kwangu (Mwa. 22:12).

Katika macho ya Mungu, kumtoa kafara Isaka kulikuwa na maana kubwa zaidi ya kujaribu imani ya Abraham. Mpango wa Mungu wa kukomboa msingi wa imani ulikuwa umesonga mbele kupitia hatua tatu katika familia ya Adam, Nuhu, na Abraham. Pamoja na kwamba Abraham alishindwa katika sadaka ishara, lilikuwa kusudio la Mungu kwamba msingi wa imani ukombolewe wakati wa Abraham sababu ilikuwa ni jaribio la tatu. Kwa njia ya kumtoa Isaka, Mungu alifungua toleo jipya, katika upeo mpya. Kwa Abraham aliye thamanisha kwa dhati baraka ya Mungu, kuua kwa mikono yake na kumtolea Mungu mwanae ambaye Mungu alimpa kama baraka iliumiza roho yake zaidi ya yeye mwenyewe kujitoa muhanga kikafara. Abraham aliweza kufanya hii kafara ngumu katika tabia inayokubalika (Mwa. 22:12) kwa sababu ya imani yake yakinifu, utii, na kumcha Mungu.

Wakati Mungu alipomwamuru kumtoa Isaka, hali ilikuwa kiasi kwamba uumbaji wote, Isaka akiwemo, ulikuwa katika makucha ya shetani

kutokana na kushindwa kwa Abraham kutoa sadaka – ishara. Ili kumtenganisha Isaka kutoka kwa shetani. Mungu alimuomba Abraham kumtoa Isaka kama kafara. Mpaka ile hatua ambayo Abraham alikuwa tayari kumtoa sadaka, imani yakinifu na utii ndani ya moyo wa Abraham haikuacha nafasi ya shutuma toka kwa shetani kwa namna yoyote. Hivyo shetani alilazimika kumwacha Isaka. Akiwa ametenganishwa kutoka kwa shetani, Isaka alisimama katika nafasi ya mbingu, na Mungu alimwamuru Abraham asimuue Isaka. Mungu kwa wakati huo akawa amemkomboa Isaka, aliyekuwa amepotezwa. Pale Mungu anaposema ‘sasa najua’ katika (Mwa. 22:12), tunaweza kuelewa kuwa alikuwa anaelezea hali ya ??????? ya kushindwa kwa Abraham katika kutoa sadaka ya ishara na raha vilevile kwa Abraham katika kufanikiwa kumtoa sadaka Isaka. Abraham alifanikiwa pamoja na ukweli kuwa ilikuwa vigumu sana kwake zaidi ya kutoa uhai wake kama kafara ya kuteketezwa.



Kwa kumtoa Isaka, Abraham kiishara alijiua yeye mwenyewe kwa sababu ya kushindwa kwake na aliwezesha Isaka kumweka kama Abraham mfufuka. Kupitia sadaka hii Abraham alitimiza sharti la malipizi la kumruhusu Isaka kuchukua nafasi yake kama mtu kiongozi kwa ajili ya msingi wa imani. Pamoja na kuwa Abraham mfufuka na Isaka walikuwa watu wawili tofauti, kitoleo waliwakilisha mtu mmoja mfufuka.

Matokeo yake, sadaka ya Isaka, iliashiria kuhama kutoka kwa Abraham kwenda kwa Isaka kama mtu kiongozi katika toleo la ukombozi chini ya familia ya Abraham.

II : MSINGI IMANI ULIOEGEMEA KWA ISAKA.

A:Mtu kiongozi kwa ajili ya kukomboa msingi wa imani.

Isaka aliyemwakilisha Abraham mfufuka, alikuwa mtu kiongozi mpya. Alifufuliwa kutoka kwenye ukiongo wa kuelekea kufa. Onyesho la imani ya Abraham kwa Mungu lilitukuzwa sana. Lakini Isaka, yeye mwenyewe naye pia alionyesha imani isiyotikisika, pale alipokuwa na moyo wa utii, alikubali hatima ya kuteketezwa kama sadaka. Haiko wazi kuelewa Isaka alikuwa na umri wa miaka mingapi wakati huo wa sadaka, lakini kwamba alibeba kuni za kutumika wakati wa sadaka na kumuuliza baba yake yuko wapi kondoo kwa ajili ya sadaka. (Mwa. 22: 6 – 7), inaelekea kuwa Isaka alikuwa amekua kiasi cha kuelewa nia ya Abraham kwa kiasi fulani. Kama Isaka angemgemea baba yake kwa kile ambacho kilionekana si cha busara katika mpango wa kumuua kwa ajili ya sadaka za kuteketeza, Mungu asingeweza kukubali sadaka. Kwa namna hii tunaweza kujifunza kuwa Isaka alikuwa mtu kiongozi ambaye utiifu wake haukuwa mdogo ukilinganisha na ucha Mungu wa Abraham.

B. Sadaka iliyohitajika kwa ajili ya kukomboa msingi wa imani .

Sadaka iliyohitajika katika kukomboa msingi wa imani ilikamilishwa na kondoo aliyetolewa sadaka na Abraham na Isaka, ‘na Abraham aliinua macho yake na akaangalia tazama, nyuma yake alikuwepo kondoo, na Abraham alikwenda na kumchukua kondoo na kumtoa sadaka ya kuteketezwa badala ya mwanae’ (Mwa. 22 : 13).


Katika nafasi ya Isaka, Abraham alitoa sadaka ya kondoo iliyotayarishwa

na Mungu. Ni rahisi kupata taswira ya Isaka, akiwa ameghubikwa na hisia za raha na shukrani kwa kuwa aliokoka katika kifo, kwa hiari kwa kushirikiana na Abraham katika kutoa sadaka ya kondoo kama sadaka ya kuteketezwa. Hii ilikuwa ni sadaka ya ishara iliyokomboa msingi wa imani ulioegemea kwa Isaka. Pamoja na kwamba Abraham alitoa sadaka ya kondoo, kutokana na msimamo wa toleo, Isaka alikuwa mmoja na Abraham na alirithi jukumu lake (utume) hivyo, alikuwa ni Isaka aliyekomboa msingi wa imani, kupitia malipizi kwa kufanikiwa kutekeleza sadaka ishara, katika nafasi ya baba yake.

III: MSINGI WA MATENDO.

Katika msimamo wa msingi wa imani ambao Isaka aliujenga, msingi wa matendo ulikuwa ufanyike wakati huo ili kukamilisha msingi wa Masihi. Kwa sababu hii, wana wawili wa Isaka Esau na Yakobo, iliwabidi watimize sharti la malipizi la kuondoa hulka anguko. Kama tukichunguza nini kimetajwa katika biblia katika msingi wa matukio ya nje shughuli za familia ya Yakobo zinaleta maswali mengi. Kwa nini mapacha Esau na Yakobo, walipigana hata wakiwa ndani ya tumbo la mama yao? (Mwa. 25:22-23). Kwa nini Mungu alimpenda mwana wa pili Yakobo, wakati akiwa tumboni mwa mama yake? (War. 9:13). Kwa nini Yakobo alizaliwa akiwa mkono mmoja uking'ang'ania kisigino cha Esau? (Mwa. 25:26). Kwa nini Yakobo alimtaka Esau aape katika kuuza haki yake kwa kuzaliwa mwana wa kwanza kwa kubadilishana naye michuzi kadha wa kadha? (Mwa. 25:32-34). Kwa nini Yakobo kwa ujanja alimdanganya baba yake kipofu na kuchukua baraka ya Esau (Mwa. 27:1-36)? Kwa nini Mungu kwa wingi alimpenda, kumlinda na kumbariki Yakobo katika maisha yake yote, bila ya kujali ukweli kwamba alifanya mambo mengi ambayo yanazua maswali mengi? Na katika ukweli wa mambo haya, kwa nini Mungu alimfanya yeye mzizi wa taifa teule?

Kumbukumbu ya mitafaruku kati ya Esau na Yakobo hata wakiwa tumbini mwa mama yao inatuambia kuwa mahusiano yao hayakuwa ya kawaida kati ya ndugu hao wawili. Kutokana na mtazamo wa toleo la Mungu, Esau na Yakobo walirudia toleo lake la kumtenganisha Kaini na Abeli, akiwa na Yakobo na Esau waliwakilisha mema na uovu katika mpangilio huo. Mungu 'alimpenda' Yakobo na 'alimchukia' Esau (War. 9:11-13). Hata walipokuwa tumboni mwa mama yao kwa sababu mmoja aliwakilisha mema na mwingine uovu.



Yakobo alikuwa awe mtu kiongozi wa Msingi wa Matendo. Awali ya yote, alikuwa afanye sharti la malipizi ya kukomboa nafasi ya Abeli. Yakobo alitimiza sharti hili kwa kukomboa haki ya mwana wa kwanza wa familia. Kwa maneno mengine, kwa kuwa Shetani alidanganya na kuchukua viumbe vyote vya uumbaji vya Mungu kupitia nafasi ya mzawa wa kwanza, Yakobo ilimbidi atimize masharti fulani ambayo yangekomboa mzawa wa kwanza kurudi upande wa Mungu.

Yakobo vilevile ilimbidi atimize masharti ambayo yangekomboa haki ya uzawa wa kwanza kwenye kiwango cha upeo wa mtu binafsi. Kwa busara na ujanja. Yakobo alichukua haki ya uzawa kutoka kwa kaka

yake, Esau, kwa kuinunua kwa mkate na kibakuli cha mboga za majani (Mwa. 25:33-34). Mungu alimbariki Yakobo kwa sababu Yakobo aligundua haki ya uzawa ilikuwa na thamani kubwa na alijitahidi kuikomboa. Hii ndiyo sababu pia iliyomfanya Mungu amruhusu Isaka atoe baraka yake kwa Yakobo. (Mwa. 27:27). Kwa upande mwingine, Mungu hakumbariki Esau kwa sababu Esau hakuweka maanani thamani ya baraka na aliuza kwa bei ya kibakuli cha mboga.


Pili, kwa kupitia kipindi cha miaka ishirini na moja cha mateso huko Haran, kipindi ambacho kiliashiria dunia ya Shetani, Yakobo alikamilisha masharti ya kukomboa familia kutoka dunia ya Shetani kwenda upande wa Mungu.

Jambo la tatu, kupitia miaka ishirini na moja nchini Haran ni ushindi wake katika mieleka na Malaika, Yakobo pia alitimiza masharti ya kukomboa umiliki wa vitu vyote (vikiwakilishwa na vitu na utajiri alioupata kutoka kwa Laban). Wakati Yakobo akirudi kutoka Haran kwenda nchi ya ahadi ya Kanaan, alipigana mieleka na kumshinda Malaika kwenye jabali la Jabbok. Kwa kufanya hivyo, Yakobo alikomboa utawala wa binadamu juu ya Malaika.

Kukomboa haki ya uzawa wa kwanza

- 1. Mtu binafsi :** Yakobo ananunua haki ya uzawa wa kwanza kwa mkate na kibakuli cha mboga za majani
- 2 Familia :** Yakobo anakomboa familia ku Haran
- 3. Utawala juu ya Vitu vyote :** kukomboa umiliki wa vitu vyote, na kupigana mieleka na kumshinda Malaika.

Kwa kukomboa utawala juu yake binafsi, juu ya familia, juu ya uumbaji na hasa juu ya Malaika, Yakobo alitimiza masharti ambayo Mungu angemkubali. Lakini kwa namna nyingine Yakobo alitimiza masharti ya lazima ya kurithi msingi wima wa imani ambao Isaka aliuweka na kwa kufanya hivyo, alikomboa kupitia malipizi nafasi ya Abeli na akawa mtu kiongozi wa msingi wa matendo. Kwa jinsi hii, Esau na Yakobo waliziweka nafasi za Kaini na Abeli kama zilivyokuwepo wakati Mungu alipokubali sadaka ya Abeli.



Ili kutimiza sharti la malipizi la kuondoa hulka anguko, Esau, aliyekuwa katika nafasi ya Kaini, awali ya yote ilimbidi ampende Yakobo, ambaye alikuwa katika nafasi ya Abeli. Pili, Esau ilimbidi amkubali Yakobo kama mpatanishi wake. Tatu, Esau ilimlazimu amtii na kumnyenyekea Yakobo na kuwa chini ya milki ya Yakobo. La nne, Esau alilazimika kuwa katika nafasi ya kupanua (kuzidisha) wema, kwa kurithi wema kutoka kwa Yakobo, ambaye alipokea baraka kutoka kwa Mungu.

Msingi wa Matendo	
	Mungu ↑ Malaika Mkuu → Adam Esau Yakobo
Hulka Anguko	Sharti ya Malipizi
1. Kutokua msimamo moja na Mungu	Kupenda Yakobo
2. Kuacha nafasi zake	Kupokea upendo wa Mungu kupitia Yakobo
3. Kupindua uongozi	Kutii, Kunyenyekea na kuwa chini ya Yakobo na
4. Kuongeza dhambi	Kupanua wema, kurithi wema kutoka kwa Yakobo



Juhudi za Yakobo kumshawishi Esau amkaribishe nyumbani na kumnyenyekea kwa hiari yake yalikuwa ya kuisisimua moyo. Hata wakati Yakobo anarudi kutoka Haran kuelekea Kanaan, Esau bado alikuwa na kinyongo dhidi ya Yakobo sababu awali Yakobo alichukua baraka yake. Hivyo, Esau aliongoza jeshi la askari mia nne na kwenda kukutana na Yakobo. Pale Yakobo alipopata habari hizo aliomba kwa Mungu na kufanya yale aliyoweza. Yakobo alifikiri ‘.....naweza kumbembeleza kwa zawadi itakayotangulia, na baadaye nitaiona sura yake, labda atanipokea’ (Mwa. 32:20). Bila kusitasita alitanguliza zawadi kwa Esau zaidi ya mifugo mia tano ambazo alipata kama tuzo la ufanyaji kazi kwa bidii huko Haran. Vilevile Yakobo alibuni namna nyingine, kwa kugawa watu na mifugo katika makundi mawili, kwamba moja litakimbia iwapo Esau atashambulia jingine (Mwa. 32:7-8). Pale alipokuwa anakaribia kukutana na Esau kwa makusudi alimweka mke wake mpendwa na

mtoto nyuma kabisa ili kujiweka tayari kabisa kutoroka kama ingebidi (Mwa. 32:2). Yeye mwenyewe alitangulia mbele akisujudu mara saba, mpaka alipomkaribia kaka yake (Mwa. 33:3). Kwa kiasi kikubwa alijinyenyekeza, alimwambia Esau ‘.....kwa kweli kuona sura yako ni sawa na kuona sura ya Mungu, kwa upendeleo huo umenipokea’ (Mwa. 33:10). Yakobo alijitahidi kutimiza kusudio la Mungu na kubadilisha roho ya Esau kutoka chuki kubwa mpaka upendo ule wa kukumbatiana naye kwa upendo. Esau alishangazwa na juhudi hizo na utii kwa upande wa Yakobo na alimkaribisha. (Mwa. 33:4) anaendelea kusema, ‘.....Esau alimkimbilia kukutana naye, na akamkumbatia, na kuanguka kwenye shingo yake na kumbusu na wote wakalia’ kwa kuwa Esau alimpenda Yakobo na kumkaribisha mbali ya kwamba alichukua haki yake ya uzawa wa kwanza kutoka kwa Esau, sharti la malipizi la kuondoa hulka anguko lilitimizwa.

A: Kiini cha wateule .

Ushindi wa Yakobo haukuwa tu ushindi wa mtu binafsi. Alikuwa ni mtu wa kwanza wa anguko aliyeshinda ushindi wa upande wa Mungu. Kwa kumzuka Malaika wakati akitoka Haran kwenda Kanaan, Yakobo alitimiza sharti la malipizi la kuondoa utawala wa mtu juu ya Malaika. Kwa sababu hii aliitwa Israel na aliteuliwa kama msingi kuwapata watu wateule (Mwa. 35:10-11). Katika Kutoka 3:6 Mungu alisema ‘.....mimi ni Mungu wa baba yako, Mungu wa Abraham, Mungu wa Isaka na Mungu wa Yakobo’. Hii ina maana kuwa kusudio la Mungu kwa Abraham lilitimizwa kupitia kwa Isaka na Yakobo na kuwa, kutokana na msimamo wa mpango wa Mungu, vizazi hivi vitatu vinafikiriwa kama kizazi kimoja. Yakobo alifanikisha tabia ya unyenyekevu wa hiari wa

Esau ili Esau akamilishe sharti la malipizi la kuondoa hulka anguko. Hii ilikuwa mara ya kwanza kwamba upande wa Mungu (Abeli) ulilazimisha upande wa Shetani (Kaini) kukubali kushindwa.



Kwa njia hii, Mungu alimweka mtu mmoja mshindi na familia ya ushindi – mtu mmoja binafsi na familia ambayo imetimiza masharti ya malipizi kumtiisha shetani. Na halafu kutoka hatua hii ya mwanzo, Nuhu alilea na kuendeleza watu wateule. Katika mtazamo wa ufahamu huu, Waisrael kuwa wateule wa Mungu ni matokeo ya ushindi wa mtu mmoja Yakobo wa kutiisha upande wa Shetani.

Mlolongo wa njia ya Yakobo ulifanikisha mpangilio wa kumshinda Shetani, na mfumo huu ulikuwa ufuatwe na kila mmoja ajaye baada yake. Musa na manabii wote walilazimika kufuata mlolongo wa mfano huo, na Waisrael wote iliwapasa kufuata njia hiyo. Historia ya Waisrael inatoa taarifa za hakika ambazo zinaonyesha mlolongo wa mfano wa kumshinda shetani katika kiwango cha taifa. Hivyo, historia ya Waisrael mpaka wakati wa ujio wa Yesu ni historia kiongozi ya toleo la ukombozi. Hii ndiyo sababu biblia huelezea historia ya Waisrael kwa mapana yake, ingawa kwa sasa inaweza kuonekana haina la kutufaa zama hizi.

Na sasa, hebu tutafakari maana ya aya katika Warumi 9:13 ambapo tunasoma kuwa Mungu ‘alimchukia’ Esau hata alipokuwa tumboni. Aya hii humaanisha kuwa Mungu alikuwa akifanya kazi kutimiza toleo la ukombozi kwa ajili ya malipizi kulingana na kanuni za toleo la ukombozi kwa kumuweka Esau katika nafasi ya Kaini. Baada ya Esau kutimilisha wajibu wake kwa kumpokea na kumpenda Yakobo, angekuwa katika nafasi ya Kaini aliyekombolewa na hatimaye angepokea upendo na baraka ya Mungu (Mwa. 36:7).

B. Msingi wa Masihi.

Baada ya mlolongo wa ucheleweshaji uliosababishwa na kushindwa kwa watu viongozi katika toleo la ukombozi, msingi wa Masihi ulitafutwa tangu wakati wa Adamu hatimaye kwa mara ya kwanza uliwekwa katika familia ya Isaka. Lakini, kwa sababu Abraham alishindwa katika kutoa sadaka – ishara, wazawa wake walikuwa bado waenende kipindi cha malipizi cha miaka mia nne ya ukandamizwaji. Hivyo, pamoja na kwamba wazawa wa Isaka waliweka msingi wa Masihi, wangeweza kumpokea tu mara baada ya kupitia kipindi hiki cha malipizi. Ndiyo, ilikuwa haiwezekani kwamba familia ya Isakaiwe na watu walewale kwa

miaka mia nne. Wakati wa kipindi hiki familia yake ilikua na kupanuka katika makabila na taifa. Baada ya kipindi chao cha kuteseka wazawa wote wale katika familia walioweka msingi wa Masihi sasa walilazimika kuujenga katika upeo wa taifa.

Kwa hiyo, Msingi kwa ajili ya Masihi uliojengwa katika familia ya Isaka ukawa ndiyo msingi wa kuanzisha mlolongo wa njia ya malipizi ambayo yangepelekea kujenga msingi wa kitaifa kwa ajili ya Masihi. Kwa kujirudia, ushindi binafsi wa Yakobo ulipelekea kujengwa kwa familia ambayo Mungu angeweza kujihusisha nayo. Halafu chini ya familia hii, katika zama zijazo, Mungu akaanza toleo lake la kujenga msingi wa kitaifa kwa ajili ya Masihi. Kiroho (kindani) Mungu Alipanua msingi wa kifamilia kwa ajili ya Masihi kwa kufikia kiwango cha upeo wa kitaifa. Kimwili (kinje), hata hivyo, wazawa wa Isaka bado iliwalazimu kuenenda katika kipindi cha mateso kwa muda wa miaka mia nne kama malipizi kwa ajili ya kushindwa kwa Abraham.



Kwa hivyo, watoto kumi na wawili wa Yakobo na ndugu wa familia yake sabini walikwenda Misri, ambayo iliwakilisha upande wa shetani duniani, na walibaki pale kwa muda wote wa miaka mia nne ya mateso. Kwa kuwatenganisha mbali na shetani kwa mara ingine tena, ambaye awali alikuwa amewavamia, matukio haya yangewalea watu wateule kufikia hatua ambayo Mungu angeshughulika nao kwa upendo. Mungu halafu alipanga kuwaleta watu wateule kurudi Kanaan, ili kuanzisha msingi wa kitaifa kwa ajili ya Masihi. Katika msingi huo, Masihi angeweza kuja na kukamilisha toleo la Mpango wa Ukombozi.

Mungu aliwapenda na kuwalinda Waisrael na aliwatuma manabii wengi kwao ili kuandaa msingi kwa ajili ya Masihi. Baada ya Waisrael kushinda kiishara na Shetani kusalimu amri, Mungu angemtuma Masihi, ambaye ni tunda la mpango wa Mungu na ambaye ni hekalu la kweli. Mfano uliowekwa na Yakobo, katika nafasi ya Abeli, katika kuletwa kutii kwa Esau (katika nafasi ya Kaini) ulipaswa kuzaa matunda katika mahusiano ya mwisho kati ya Masihi (Abeli) na Israel, ikiwakilisha watu wote (Kaini). Hivyo, kuwawakilisha watu wote, taifa teule lilikuwa lihitimishe ujumbe wake kwa upendo, likitii na kumtumikia Masihi, ambaye ni Abeli kwa ajili ya watu wote.